

近代中國史料叢刊續編第十八輯
沈雲龍主編

馬端敏公（新貽）奏議

王錫蕃校
譚鍾麟刻

文海出版社
有限公司
印行

馬端敏公奏議

光緒甲午冬月
閩浙督署校刊

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



馬端敏公奏議

Wt234/19

光緒甲午冬月
閩浙督署校刊

近代中國史料叢刊續編 第十八輯


目 錄

馬端敏公（新貽）奏議	……	
船政奏疏彙編 卷一卷——卷三	……	左宗棠·沈葆楨 文煜·丁日昌 撰
船政奏疏彙編 卷一四——卷二六	……	吳贊誠·黎兆棠·張夢元 何如璋·張佩綸 撰
船政奏疏彙編 卷二七——卷四二	……	裴蔭森 撰
船政奏疏彙編 卷四三——卷五四	……	卞寶第·譚鍾麟·邊寶泉 增 祺·許應駘·善 聯 撰
海軍大事記（附：甲申·甲午戰事記）	……	池仲祐 撰
中法·中日兵事本末	……	羅惇融 撰
中日議和記略	……	闕 名 編
侯官嚴氏叢刻（附：王蓮常著·嚴幾道年譜）	……	嚴 復 著
張伯苓先生紀念集（附：年譜）	……	郭榮生·張源 編




諭賜祭文

朕惟疆臣懋績司勳聿著於旂常國
典飾終明祀宜先乎俎豆爰頒鳳綵
式啟雕筵爾原任兩江總督馬新貽
賦性剛方裊躬正直青緗積學登藻
榜以策名赤縣流膏自花封而發軔




理繁治劇竟出儒生除暴安良無慚
民牧屬寇氛之交煽佐大帥以立功
擘畫宏資頭銜疊昇堅城屢克擢柏
府以酬庸峻秩旋登晉薇垣而懋賞
皖南皖北牙旗隆保障之勳浙東浙
西心簡重股肱之寄洎乎衣披一品



位列兼圻奠半壁之河山金甌永固
綜中權之節制畫戟交森方期常荷
鸞綸詎料慘遭蜮射遺章驚覽震悼
良深晉宮銜而世賞推恩勵臣節而
賢良奉祀於戲光垂竹帛緬懷遺範
之云遙氣達馨香永播徽猷於勿替


爾靈不昧尚克歆承






諭賜碑文

朕惟名高柱石連圻資經國之才禮
備哀榮篤眷展酬庸之典既陳雕俎
載勒貞珉爾原任兩江總督馬新貽
純粹植躬通明練事棘闈獻藝早奮
迹於巍科棠舍分猷著仁聲於比戶



迨東南之多事遂慷慨而從戎握虎
節以將兵柘臯績懋睹雀翎之煥彩
盧郡勳高嘉乃賢勞法服無慙於豸
繡歷夫艱險崇階晉秩乎烏臺喜軍
中之有韓屬民間之借寇自皖藩而
躋浙撫克揚節鉞之威綏黎庶而靖

崔苻彌重干城之寄朕念兩江之鉅
任莫如元老之壯猷命總師干借資
襄贊李光弼望隆閩外武元衡盜起
身旁驚覽飛章追惟蓋烈既宮銜之
特晉復世賞之優加綜厥生平謚為
端敏於戲思光永被瞻螭文而綸綽



常新偉節誰傳指馬鬣而松楸有燿
欽予時命錫爾後昆

馬端敏公奏議卷一目錄

補授浙江巡撫謝 恩摺

縷陳浙省應辦事宜六條摺

在籍京員守城殉難請 賜卹祠祀摺

籌備浙省邊防飭遊擊張政順招勇簡練片

勘明海塘工程酌籌辦理情形摺

織造欠解物件應需工料銀兩請免撥解片

各屬交代酌擬設局調省勒限清結摺

甯波新關添設巡船並洋稅折耗年需經費摺

海塘捐輸緊要請停止米捐摺

杭嘉湖三府屬應征錢糧分別蠲緩摺

浙餉支絀移緩就急酌定協甘餉數摺

核減杭湖二屬浮收錢糧數目摺

查訊場員並無匿留捐錢摺

查明年例辦解物料請暫免解摺

張其光募紅單船派員幫辦分派浙洋巡緝片

杭嘉湖額征漕糧酌定應減分數摺

貢院完竣邊防安堵請補行鄉試摺

覈減金衢嚴處四府屬浮收銀米各數摺

湖嚴二府被兵較重懇豁免新舊錢糧摺

甯紹紳士代賠海關短征銀兩請准銷案摺

紳民捐修土備塘堤請擇尤獎勵摺

浙省需材敬舉所知請飭調來浙以備委用摺

籌解京餉以資要需摺

請補行武闈鄉試摺

馬端敏公奏議卷一

補授浙江巡撫謝

恩摺

同治三年十月初一日

奏爲叩謝

天恩仰祈

聖鑒事竊

臣

於九月二十七日接安徽撫臣喬松年行知同治三

年九月初四日內閣奉

上諭浙江巡撫著馬新貽補授未到任以前仍著左宗棠兼署欽
此同日奉

上諭安慶地處上游控制皖南皖北既據曾國藩奏彭玉麟總統
水師事務繁重不能專駐安慶亦不能兼顧陸路安慶防守及善

後等事飭馬新貽等會同妥辦可無疏虞卽著照所請行馬新貽已簡放浙江巡撫仍著曾國藩飭令該撫留駐安慶同何璟等將應辦事宜妥爲籌辦務臻周密浙省撫篆現有左宗棠兼攝暫可無庸到任卽著曾國藩行知該撫可也等因欽此臣聞命之下感悚莫名當卽恭設香案望

闕叩頭謝

恩訖伏念臣山左庸材江南下吏始備員於郡邑洊擢任夫監司識昧六韜從柳營而聽鼓才疏八政入薇省而持籌未效涓埃常懷兢惕茲復

恩綸寵畀疆寄濫膺竊惟浙江當兵氛甫靖之時巡撫有統轄軍

民之責如_臣 禱昧深懼弗勝惟有俟履任後勉竭駑駘力圖整頓
維持憲紀百僚懷酌水之清通達民情萬姓遂耕雲之樂以期仰
答

高厚鴻慈於萬一再_臣 遵奉

諭旨留駐安慶同何璟等籌辦防守善後等事如遇有緊要事件
自當隨時函請督臣曾國藩撫臣喬松年指示辦理以期無誤合
併陳明所有_{微臣} 感激下忱理合繕摺恭謝
天恩伏乞

皇太后

皇上聖鑒謹

奏

原武海心集卷一

縷陳浙省應辦事宜六條摺

同治四年正月十五日

奏爲縷陳浙省應辦事宜及地方情形恭摺仰祈

聖鑒事竊臣於去年十二月十八日抵浙接篆隨於二十日恭摺

具陳在案嗣後接見省中司道府各官留心訪察並檢閱舊牘詳細推求具見督臣左宗棠之規模宏遠前護理撫篆布政使蔣益澧之勇敢有爲凡吏治兵事丁漕水利諸大端皆已提綱挈領辦有端倪惟浙中迭遭兵燹民困過深欲爲久遠之圖難期旦夕之效臣智力短淺謬承

恩命來撫是邦日夜兢兢深虞隕越謹就臣目前思慮所及列爲數條敬爲我

皇太后

皇上陳之

一吏治宜力整頓也浙江向稱繁富故官吏習於奢侈巧猾者視爲美才恂懦者嗤爲無用人懷奔競之心士少廉讓之節吏治媮而民氣日薄釀禍之階此其大端也自督臣左宗棠入浙以後百度更新獎廉能懲貪墨吏治蒸蒸漸臻上理誠恐日久懈生臣當督飭司道正己率屬崇儉樸以革奢華敦誠實以祛浮僞惟視官聲之優劣民情之向背以爲殿最而一切夤緣干進之風概從禁絕庶中材咸知奮興而吏治可改觀矣

一兵事宜專責成也浙中現雖靜謐而安不忘危必有備乃可無

患惟查浙江各營勇丁向有楚湘之分楚軍文武將士專歸督臣左宗棠節制湘軍雖同隸於督臣而選將練兵仍歸藩司蔣益澧主之左宗棠率師入閩以後其留存浙省及分防各府縣要隘者水陸馬步楚軍約計萬人湘軍合計一萬七千餘人非各專責成無以申約束而一號令所有駐省之新湘及親兵五營本歸臬司楊昌濬統帶此外各楚軍因該臬司向充督臣營務處與將士均屬相得應一併歸其節制可期呼應靈通至湘軍各營旂本皆蔣益澧舊部該藩司威望著聞每有指揮無不如意應仍歸其總統必能得力除分飭遵照外萬一邊防有警或海盜土匪乘機蠢動臣當督飭該司等速卽剿辦以靖地方

一丁漕宜普刪減也浙江通省地漕與夫浙東南米或關係餉糈或抵放兵食除正額照舊征收外其浮收各款如甯波紹興温州處州等府均經督臣左宗棠酌量核減嘉興府屬丁銀浮收各款亦經蔣益澧於護撫篆任內奏明裁革各在案此外如嘉興府屬之漕糧杭湖二府屬之丁漕均飭該府縣趕緊查明開報後由督飭清賦局司道核明正額浮費分別裁減其金衢嚴台四府亦嚴檄地方官據實查開一律辦理總期上無虧於國課下有益於民生以仰副

皇上一視同仁之至意容俟減有定章再行具陳

一水利宜急興修也海塘關係緊要紳民捐辦之士備塘工已報

完者七分有餘現在晝夜趕築約計二月閒即可一律報竣至議
築柴埧各工前經護任撫臣蔣益澧奏明於杭嘉湖所屬勸辦米
捐專濟工用現亦派員分頭購集柴料剋期舉辦然欲垂久遠而
期鞏固終非石工不可而石工需費太鉅雖經戶部奏明准開海
塘捐輸斷非旦夕所能集事臣定於月內親閱塘工除俟察看形
勢另行具陳外西湖地屬錢塘而水利爲海甯仁和所關縱橫三
千六百畝之寬歷來刈草歲修每年尙三千六百元况兵燹以後
歲久失修彌望葑菲更難疏濬先經蔣益澧兩次籌撥銀二萬兩
米二千石派委員紳於上年十二月初一日開工臣親行履勘與
該司熟商擬自毛家埠起自裏而外自上而下先刈草以清湖基

次挑泥以蓄湖水務期於三月內竣工庶湖身無淤塞之虞而農田可收灌溉之益矣

一用人貴乎因地也兩浙十一府風氣各殊民情亦異故必因地擇人不宜強人就缺庶民心既易帖服而整飭亦易見功杭嘉湖三府風氣華侈金衢嚴三府土地瘠薄而民情均近柔馴近來彫殘之後以休息生聚爲主但得慈祥愷悌之吏久於其任元氣可望漸復甯紹風氣奢儉不同而地濱海澨民情之巧詐在所不免必須精明任事之員乃能張弛悉宜至於溫處台三府處屬民氣尙稱安靜溫州次之台州則悍戾成風積習已久非得果敢強幹之吏不足以戢凶頑而安良善惟兩浙實缺無多而候補者多半

未經引

見人員補缺署事均屬與例不符可否容臣悉心揀擇務取人地相宜酌量請補之處出自

天恩逾格

一開墾宜急籌辦也浙中田地多膏腴而浙西爲最自遭兵燹以來大半皆成荒土推求其故總緣人民流亡十室九空所致夫小民雖愚謀生則智其有籍而不歸有田而不耕者豈其本心哉亦力有所不逮故耳爲今之計必須酌借工本以資興作擬飭各州縣設法招輯毋論本籍流民及鄰境莊農有願耕作者均准認地栽種或籽種農具一時力難措辦由司庫另籌款項發交地方

官酌量借給秋收後歸還不取其利其如何招輯及成熟後如何
征納之處均責成地方官因地制宜稟由臣酌核飭遵嗣後卽以
招徠之多寡田地之荒熟以定州縣考成庶於拯民之中暗寓察
吏之法勸懲並施寬以歲月則田土可勿荒蕪人民可期復業矣
以上六條皆目前急須興辦之事臣賦性愚拙惟求以實心行實
政斷不敢稍有粉飾自取愆尤此外應行興革事宜容再次第籌
辦謹恭摺由驛馳陳伏乞

皇太后

皇上聖鑒訓示謹

奏

籌備浙省邊防飭遊擊張政順招勇簡練片

同治四年正月十五日

再欽奉同治三年十二月二十日

上諭蔣益澧現委遊擊張政順等前赴甯波募勇訓練以便騰出兵力赴閩助剿應如何調撥之處著左宗棠等斟酌妥辦其浙省毘連閩境並著馬新貽蔣益澧實力籌防毋稍大意等因欽此查閩浙壤地相接昔人謂溫處衢爲閩北藩又謂衢州之壤自江山以越仙霞則全閩之要領是溫處與衢雖同爲閩之北路而衢州尤爲要衝溫州既有總兵劉連陞之軍處州近接金華復有駐金之同知蔡元吉五營可以兼顧至署衢州鎮總兵劉清亮全軍先經蔣益澧調赴浦城並飭副將余朝貴自杭州率領新湘五營填

馬步每五考言名一

禁衢州與浦城聲勢聯絡布置本已周妥惟昨接督臣左宗棠函
開李汪諸逆竄入閩疆者人數殆十數萬而粵閩匪徒復從而和
之浙師相從入閩者僅二萬二千餘以之分布各處諸形不足等
語是閩賊勢甚披猖萬一乘閒回竄則浙省邊防尤爲緊要兩浙
影察之餘籌餉雖難而閩浙毘連不能不預爲籌備臣現商令蔣
益澧飛催張政順等將所募花綠勇丁千名迅速成軍認真訓練
遇有緊急即可分出兵力以剿爲堵理合附片陳明伏乞

聖鑒謹

奏